

DE RELATIONE HOMOSEXUALITATIS AD MATRIMONIUM

I. INTRODUCTIO

Ansam pro evolvenda hac salabrosa et difficili quaestione subministravit sequens casus: Titius duxit paucos annos abhinc Titiam in matrimonium, quin ipse gauderet cognitione Psychopathiae sexualis; Titia enim iam a principio primorum occursum per quasdam consuetudines admirationem in Titio suscitavit, quin tamen pro sua inexperientia speciale momentum ipsis tribueret. Ipsa etenim consuevit imitari in sua vestiendi forma vestimenta virilia aut etiam induere; insuper haud dubitavit frequentare conventus mulierum suspectarum—amicarum in ore homosexualium—et cum absentibus commercium epistolare nutrire, immo ipsas ad occursum invitare. Prudentiores viri Titium voluerunt habere admonitum ad prudentiam; sed etiam in hoc casu prout frequentissime, verificatum est illud: “amantes amentes” et alterum; “amor sana ratione non illuminatus reddit hominem caecum”. Unde Titius in futura uxore nihil vidit nisi ingenium, pulchritudinem, modos conversandi excellentes, quin ponderaret valorem moralem iuvenis sponsae; timuit enim ipsius offensam propter non captam indolem mulierum.

Quibus sub infaustis sideribus celebratae sunt nuptiae post sex menses a primo occurso vix elapsos, et quidem ex voluntate sponsae eodem die, quo amica Titiae in dissito territorio pepigit vel potius pangere simulavit matrimonium. Haud alia idea imbuta erat Titia; nam quasi immediate ante foedus matrimoniale iciendum declaravit: se non sentire vocationem ad vitam stabilem domesticam cum cura prolis et rei domesticae allegavitque rationes futes; consequenter ad nauseam vitae domesticae exclusit absolute et categorice prolem concipiendam; nam etiam ipsius genitores uti punctum principale pro vita coniugali futura statuerunt: totalis exclusio prolis. Quid mirandum, si novella uxor iam a principio manifestavit suam aversionem in actum coniugalem. Unde iam paucos dies post sponsa velata voluit sibi ex desperatione manus imponere; ratio haec erat: sensit difficultatem vix solvendam: tu es uxor et debes marito reddere deditum ex una parte, ex altera autem parte sentis tuam plenissimam aversionem in